

## Inatsisissatut siunnersuummut nassuiaatit

### **Nassuiaatit nalinginnaasut**

#### 1. Aallarniut:

Naalackersuinikkut sulinermit aningaasatigut tapiissuteqartarneq pillugu Inatsisartut inatsisaanni nr. 1, 31. maj 2001-imeersumi § 9, imm. 3-mi takuneqarsinnaavoq, § 6 malillugu tapiissuteqarfigineqarsimasut (qinequsaarnissamut tapiissutit) qinersinerup kingorna kingusinnerpaamik qaammatit pingasut qaangiunneranni uppersarsarlugu Naalackersuisunut nalunaarutigissagaat aningaasat qinersineq sioqqullugu naalackersuinikkut suliniarnermut ilumut atorineqarsimasut.

Ilanngullugu takuneqarsinnaavortaaq, 25.000 kroninit amerlanerusunik tapiissutisisimasut uppersarsarlugu nalunaarumminnut ilanngullugit tapiissutit atorineqarnerinut naatsorsuutit kukkumersuukkanik nassiuusaqassasut.

Kiisalu takuneqarsinnaavoq taamatut uppersarsarlugu nalunaaruteqartoqanngippat imaluunniit naatsorsuutit kukkumersuukkanik nassiuusisoqanngippat Naalackersuisut aalajangersinnaagaat tapiissutigineqarsimasut tamakkerlugit ilaannakorlugilluunniit utertinneqassasut.

Paasinarsisimavoq pissusissamisuunngitsoq, naatsorsuutit kukkumersuukkanik tunniussinissamut maannakkut piffissaliussaasoq taama sivikitsigimmat. Tassunga atatillugu eqqarsaatigineqassaaq, attaveqaatinik pilersuinerup pissutsillu allat pissutigalugit piffissartornarsinnaasoq suliniutaasimasunut tamanut qinersinernut peqataanermi suliarineqartartunut ilanngussanik pissarsiniarnissaq. Aammattaaq pissusissamisuunngilaq, partiit katusseqatigiillu immikkut ittunik naatsorsuusiornissamut kukkumersuuisartumik pissarsiniartarnerat piffissani ukiumoortumik naatsorsuusiortarnerup avataani.

Tamanna tunngavigalugu siunnersuutigineqassaaq, qinersereernerup kingorna qaammatinik pingasunik piffissaliussaasoq atuuttoq sivitsorneqassasoq taamaasilluni, naatsorsuutit tunniunneqarsimassallutik kingusinnerpaamik ukiup ullorsiuteqarfiusup qinersisoqareernerata kingorna tullinnguuttup aallartinnerata kingornani qaammatit arfinillit qaangiunnerini.

Siunnersuutikkut partiit katusseqatigiillu periarfissinneqassapput qinersinermut tapiissutit atorineqarnerinut kukkumersuukkanik naatsorsuusiornissamut peqatigitillugulu partiip katusseqatigiilluunniit naalackersuinikkut sulinermit

tapiissutisinerinut naatsorsuusiorsinnaalissallutik naatsorsuutinillu kukkunersiuisinnaalissallutik.

2. Pisortanut aningaasaqarnikkut allaffissornikkullu kingunissat:

Siunnersuut pisortanut aningaasaqarnikkut kinguneqassanngilaq. Naatsorsuutigineqarpoq, siunnersuutip kingunerissagaa, qinersinernut peqataanermi tapiissutitut naatsorsuutinik kukkunersiukkanik nassiussisarneq siunissami piffissaq eqqorlugu pisarsinnaalissasoq. Tamatuma allaffissornikkut suliamik sullissisarneq annikillissinnaavaa, taamaattoqartarneranimi pisariaqarunnaassammat naatsorsuutinik nassiusseqqulluni noqqaasoqartarnissaa.

3. Inuussutissarsiortunut aningaasaqarnikkut allaffissornikkullu kingunissat:

Siunnersuut inuussutissarsiortunut aningaasaqarnikkut allaffissornikkullu kinguneqassanngilaq.

4. Avatangiisitigut pinngortitamullu kingunissat:

Siunnersuut avatangiisitigut pinngortitamullu kinguneqassanngilaq.

5. Innuttaasunut allaffissornikkut kingunissat:

Naatsorsuutigineqassaaq siunnersuut partiinut, kattusseqatigiinnut kisimiillutillu qinigassann-gortittunut pitsaasunik allaffissornikkut kinguneqarumaartoq, tassami qineqqusaarnermut atukkanik nalunaarummik naatsorsuutinillu kukkunersiukkanik nassiussisarnermut piffissa-liussa q siunnersuutigineqarmat sivitsorneqassasoq qinersereernerup kingorna qaammatinit pingasuniit qaammatinut arfinilinnut ukiup ullorsiuteqarfiusup qinersisoqareernerata kingorna tullinnguuttup aallartinnerata qaangiunneraniit.

6. Naalagaaffeqatigiinnermut namminersornermullu pissutsit:

Siunnersuut Naalagaaffeqatigiinnermut namminersornermullu kinguneqassanngilaq.

7. Oqartussaasut kattuffiillu tusarniarneqartut:

Siunnersuut Aningaasaqarnermut Pisortaqarfimmut tusarniaassutigineqarnikuuvoq, taannalu oqaaseqaatissaqanngilaq.

## **Inatsisissatut siunnersuutip aalajangersagartaannut ataasiakkaanut nassuiaatit**

### *§ 1-imut*

Innersuussisoqassaaq nalinginnaasumik nassuiaatit aallaqqaataannut.

Qinersinermut tapiissutit atorneqarnerinut naatsorsuutit ilanngunneqarsinnaapput partiinut kattusseqatigiinnullu tullianik ileqquusumik ukiumoortumik naatsorsuutinut ilanngullugit (partiinut kattusseqatigiinnullu tapiissutit atorneqarnerinut naatsorsuutit), taakkulu Inatsisartut Siulittaasoqarfiannut tunniunneqassapput.

Kommunimulli Inatsisartunullu qinersinermut peqataanermi tapiissutinut naatsorsuutit kukkumersuukkat Naalakkersuisunut tunniunneqassapput.

Imatut pisoqartillugu, partii kattusseqatigiilluunniit Inatsisartunut qinigaanngitsoortoq, qiner-sinermut tapiissutit atorneqarnerinut naatsorsuutit aamma tunniunneqarsimassapput ukiup ullorsiuteqarfiusup qinersisoqareernerata kingorna tullinnguuttup aallartinnerata kingornani kingusinnerpaamik qaammatit arfinillit qaangiunnerini.

### *§ 2-mut*

Siunnersuutigineqassaaq, Inatsisartut inatsisaat 1. juni 2005 atuutilissasoq, imaasilluguli, qi-nersinermut tapiissutinut 1. januar 2005-ip kingorna tunniunneqartunut sunniuteqassalissallu-ni. Taamaasiornikkut inatsit kommunimut april 2005-imi qinersinermut atatillugu tapiissuti-nut aamma atuutissalluni.